



KOMUNIKADO PA PRENSA

Fecha

14 di yuni 2013

Account Manager

Jhanirha Anita

Email

jhanirha.anita@gobiernu.cw

Nr.

MINISTER BALBORDA TA FELISITA METEO KU MAJAN TA KUMPLI 60 AÑA!

Willemstad – Minister Earl Albordá ta felisita Servisio Meteorologiko di Korsou kual majan, 15 di yuni 2013, ta kumpli 60 aña ku a institui e servisio kual a sa di duna servisionan importante na nos komunidat.

Servisio Meteorologiko di Korsou ta un servisio di Ministerio di Trafiko, Transporte i Planifikashon Urbano i ta forma parti di e Sektor di Trafiko i Transporte. E ministerio aki ta bou di responsabilidad di Minister Earl Albordá.

Na aña 1953, Gobernador di Antias Hulandes a instala oficialmente un Servisio Meteorologiko.

Servisio Meteorologiko di Korsou, konosi den boka di pueblo komo Meteo, ta hasi muchu mas ku dijs vigila nos wer i saka boletinnan di wer pa komunidat. Meteo ta e servisio ku resientemente a saka e boletin importante pa splika kiko presis a tuma lugá dia ku gran parti di nos pais a sinti un temblor leve.

Banda di esakinan, Meteo ta suminstra informashon pa e sektor di aviashon manera entre otro 1) informashon meteorologiko di e wer lokal na aeropuerto pa por prepara despege i aterisahe di tur buelo ku ta sali di Korsou i tambe esnan ku ta pasa den nos espasio areo i 2) dokumentonan di buelo pa e piloto sa kon e wer lo ta durante su buelo pa di e forma aki e buelo por ta mas sigur i efisiente ku ta posibel.

Tambe, Meteo ta duna informashon balioso tokante e kondishon di laman na e hafnan ku tin na Korsou pa asina barkunan por navega na un manera sigur, i tambe pa tur usuario di laman rondo di nos Pais.

Klimatologia, kual ta e trabou di kolekshon i analisa datonan historiko di Meteorologia, tambe ta un tarea di Meteo. Ta usa e informashon aki pa kompila raportnan ofisial pa entre otro kompanian di Seguro i Polis. E instansianan aki ta hasi uso di e informashon den nan investigashonnan.

Ademas, Meteo ta traha senarionan ku ta duna un bista di kon e futuro klima di nos pais lo ta, teniendo kuenta ku e kambionan di klima global, pa di e forma aki aporta na un desaroyo duradero di nos pais. Un ehempel di esaki ta ku temperatura ta bai



KOMUNIKADO PA PRENSA

<i>Fecha</i>	<i>Account Manager</i>	<i>Email</i>	<i>Nr.</i>
14 di yuni 2013	Jhanirha Anita	jhanirha.anita@gobiernu.cw	

subi ront mundu i mester tene kuenta ku esaki na momentu ku ta plania pa futuro gastu di koriente.

E tareanan aki ta wordu hasi den kuadro di e tratadonan internashonal di e Organisashon Mundial di Meteorologia (WMO) i tambe e Organisashon Internashonal di Aviashon Sivil (ICAO).

Esaki ta dijs un bista di tur e trabounan ku diariamente ta tuma luga na Meteo. Pa mas informashon di esakinan i otro servisionan di Meteo, Pueblo di Korsou por bishita e website www.meteo.an of tambe por sigui Meteo riba e pagina 'Meteo Curacao' riba Facebook.

Pueblo di Korsou por sigui e desaroyonan di Minister Albordá via di su pagina di Facebook 'Earl W. Albordá, Minister VVRP'.